

Jienastit

Válljim ragátmáno 9.b.2018.

Návti jienasta válljimin rijkkabäjvváj,
kommuvnnaj ja lánndadiggefábmoduvvamij.



Gut oadtju jienastit?

Jienastimriektá l gá la18 jage állim mañemusát válljimbieje. Fámon la gájkka válljimijn. Duv jienastimriektá mierreduvvá diedojs Värrodájmadagá álmuktjáledimregisstarin 30 bieje válljimbieje ávddála.

La: Dujna l jienastimriektá rijkkabäjvváj jus dán:

- la svieriga viesájdiddje ja le jali árrum álmuktjáledum Svierigin.

Dujna l jienastimriektá kommuvnna- ja lánndadiggefábmoduvvamij jus dán:

- jus dán la: svieriga viesájdiddje ja álmuktjáledum Svierigin.
- viesájdiddje Europa Unijávná nágin sebrudakrikan jali viesájdiddje Islándan jali Vuonan ja álmuktjáledum kommuvnan jali lenan.
- viesájdiddje nágin ietjá rijkkan ja le árrum álmuktjáledum Svierigin gálmhá jage mañgalakkoj válljimbieje ávddála.

Dujna gánna l jienastimriektá oattjo jienastimkártáv

Dujna gánna l jienastimriektá oattjo jienastimkártáv pávstájn bájkoj gálmhá vahko válljima ávddála. Jienastimkártán la tjáledum makkir válljimijda dujna l jienastimriektá ja namma, árudahka Jienastimkártán la aj diededibme lanjá birra ávddálájgejienastibmáj. Jus ájgo ávddálájgejienastit de háhttu válldet mañáj ietjat jienastimkártáv.

Jus illa oadtjum ietjat jienastimkártáv jali dav la lámppám, de máhtá ádásav rávvit kommuvnas jali Válljimbudagás.

Válljimsiedila

Válljimsiedila li visskada válljimij rijkkabäjvváj, vielggada válljimij kommuvnna-fábmoduvvamij ja lahte válljimij lánndadiggefábmoduvvamij. Jus ávddálájgejienasta jail budájienasta de dávk dárbahtta rávvit jail viedtjat válljimsiedilijt belludagás jail duv kommuvnas

Jienastit belludahkaj

Dán jienasta ávdemusát belludahkaj. Belludagá namma l tjáledum válljimsiedilin. Jus dán i gávna duv belludagá válljimsiedilav, de máhtá válldet tjálek válljim-siedilav ja tjället belludagá namáv náv tjielgga máhttelis dasi.

Sierra ulmuttij jienastit

Jus sidá belludagá kandidáhtajs sierra ulmusj galggá vállduvvat, de máhtá dan ulmuttij vaddet sierrajienav gá ruossi gahpav kandidáhta namá ávddála válljimsiedilin. Dán máhtá val ruossit avtav kandidáhtav.



Dån hähttu ietjat legitimerit

Jienastittjat dån hähttu máhttet ietjat identitehtav duodastit gå vuoseda id-duodastusáv bv. vuodjemkårtáv jail pássav. Jus dån illa oahpes jienastimduostudiddjida de hähttu vuosedit id- kårtáv buojkulvissan vuodjemkårtáv, pássav jali virggelegitimasjávnav. Jus dujna illa id-kártta de ietjá ulmusj máhtta duv identitehtav duodastit, valla de dat ulmusj hähttu id-kårtáv vuosedit.

Jienastibme

Jienastit duv välljimlanján välljimbieje

Dån máhta val jienastit välljimlanján mij gávnnu duv jienastimkårtán. Välljimladnja la val rabás välljimbieje moarmesmano 25.b. 2014. Gå jienasta duv välljimlanján de duv namma mihttiduvvá jienastimlâgon ja duv jiena biejaduvvi välljimurnajda.

Ávddálájgejienastit duv kommuvnan jali ietjá kommuvnan

Ávddálájgejienastibme mierkki dån jienasta ietjá sajen gå duv välljimlanján. Ávddálájgejienastibme álggá gálmma vahko välljimbieje ávddála ja joarkká gitta välljimbájeváj. Välljimladnja ávddálájgejienastibmáj máhtta árrot buojkulvissan kommuvnnadáhe jali girjjevuorkká.

Dån hähttu adnet maŋen ietjat jienastimkårtáv gå ávddálájgejienasta danen gå aneduvvá rájatjit duv jienav duv välljimladnjaj. Duv jiedna danna riekkniduvvá.

Välljimfábmudagá webbabielen bielen www.val.se jali duv kommuvnas diededimev oattjo gänná máhtá ávddálájgejienastit.

Jienastit álggorijkas

Jus dån la álggorijkan de máhtá brevvajienastit jail jienastit moadda svieriga ambasádajn ja konsuláhtajn. Máhtá brevvajienastit áramusát 45 bieje välljimbieje ávddála ja jienastit ambasádajn ja konsuláhtajn áramusát 24 bieje välljimbieje ávddála. Brevvajienastittjat dárbaŋa ábnnasijt majt rávvi Välljimfábmudagás.

Soames juohkusa máhtti budájn jienastit

Dån máhtá budájn jienastit jus dån alla álldara, skibádagá jali sahtusvuoda diehti iesj i máhte duv välljimladnjaj jali jienastimladnjaj mannat. Dalloj máhtta duv gállasjuojmme jali aktanárro , duv gállasjuojme mánná, mánájmánná, äjgat jali oarbben budán árrot. Jus gávnnu soames gut virgálattjat jali sjimugisláhkáj dunji sujtov vaddá jali álu duv viehket de dat ulmusj máhtta aj budán árrot. Dån máhtá aj jienastit budájn jus la sjisjkan jali kriminálaásadusán. Dalloaj barge máhtti aj duv viehkedit. Jus dån áro dáfopávsstáguodderlájdo milta de dáfopávsstáguodde máhtta dunji budán árrot. Jus dån I avtak dábdá gut máhtta dunji budán árrot, de duv kommuvnna máhtta ásadit jiednaduostodiddjev gut duv lusi bohtá. Aktavuodav válde duv kommuvnaj. Jienastittjat budájn dárbaŋa sierralágásj ábnnasijt majt rávvi kommuvnas jali Välljimfábmudagás. Diededibme gáktu gárveda budájienav ábnnasin gávnnu.